

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koju zastupa policijski komesar, Generalni inspektor policije Fatmir Hajdarević, (u daljem tekstu Ugovorni organ)

i

J.U. Zavod za zdravstvenu zaštitu zaposlenika Ministarstva unutrašnjih poslova Kantona Sarajevo, ulica Alije Isakovića br. 3, Sarajevo, ID broj: 4200084310003, kojeg zastupa direktor Sanjin Saračević, (u daljem tekstu: Dobavljač)

zaključili su:

**UGOVOR O NABAVCI USLUGA LJEKARSKIH PREGLEDA ZA
POLICIJSKE SLUŽBENIKE UPRAVE POLICIJE MINISTARSTVA
UNUTRAŠNJIH POSLOVA KANTONA SARAJEVO**

Član 1.

Predmet ovog Ugovora je nabavka usluga ljekarskih pregleda policijskih službenika Uprave policije Ministarstva unutrašnjih poslova Kantona Sarajevo.

Nabavka je izvršena putem Poziva za dostavu ponuda u postupku dodjele Ugovora za usluge iz Aneksa II Zakona o javnim nabavkama („Službeni glasnik Bosne i Hercegovine”, broj 39/14, 59/22 i 50/24), a na osnovu odluke broj 02-11-4-497/26 od 19.01.2026. godine.

Ugovor se zaključuje u skladu sa uslovima iz Poziva za dostavljanje ponuda, ponudom Dobavljača i stvarnim potrebama Ugovornog organa.

Ponuda od 05.05.2026. godine, sastavni je dio ovog Ugovora.

Član 2.

Ukupna vrijednost ovog Ugovora iznosi 2.480,00 (dvijehiljadečetiristotineosamdeset i 00/100) KM bez PDV-a.

Dobavljač se obavezuje na nepromjenjivost ponudjenih cijena tokom cijelog ugovorenog perioda.

Član 3.

Dobavljač se obavezuje da će usluge iz člana 1. ovog Ugovora izvrši u roku od 7 (sedam) dana, počevši od 08.05.2026. godine.

Dobavljač se obavezuje da će usluge iz člana 1. ovog Ugovora izvršiti u skladu sa dinamikom koja će mu biti dostavljena od strane Ugovornog organa nakon obostranog potpisivanja Ugovora.

Član 4

Nakon izvršenja usluge koja je predmet ovog ugovora, ovlaštena osoba Dobavljača je obavezna ovlaštenoj osobi ispred Ugovornog organa dostaviti mjesečni izvještaj o izvršenim uslugama ili drugi odgovarajući dokument za izvršene usluge koji je uredno ovjeren i potpisan od strane ovlaštene osobe Dobavljača. Po izvršenom prijemu

izvještaj ili drugi odgovarajući dokument potpisuje i ovlaštena osoba Ugovornog organa, zadužena za prijem.

O izvršenoj usluzi bit će sačinjen zapisnik o kvalitativnom i kvantitativnom prijemu izvršenih usluga (čiji će sastavni dio biti Izvještaj o izvršenim uslugama ili drugi odgovarajući dokument). Zapisnik se sačinjava u 2 (dva) istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača.

Ukoliko se konstatuju određeni nedostaci u kvalitetu ili kvantitetu izvršenih usluga sačinjit će se zapisnik o reklamaciji. Ovlaštene osobe ispred ugovornih strana će biti određene i strane međusobno obavještene o tome, u roku od 10 (deset) dana od dana potpisivanja ugovora.

Član 5.

Usluga će se smatrati uredno izvršenom tek kada u zapisniku o prijemu bude konstatovano da je primopredaja izvršena bez primjedbi.

Dobavljač se obavezuje priznati reklamaciju na kvantitet i kvalitet izvršene usluge, koja će biti proračunata zapisnikom o reklamaciji, uz obavezno navođenje nedostataka izvršene usluge i datuma i broja računa (izvještaja ili drugog odgovarajućeg dokumenta) Dobavljača kako bi se zadovoljili uslovi reklamacijskog roka.

U slučaju osnovanih primjedbi na ispunjenje ugovornih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

Član 6.

Dobavljač se obavezuje:

- a) da će ugovorene usluge izvršiti savjesno, ažurno i u skladu sa pravilima struke u svemu prema propisima, standardima i normama kvaliteta koji važe za ovu vrstu usluga;
- b) da će obezbjediti sve adekvatne uslove za rad koji su potrebni za kvalitetno i efikasno izvršenje usluga ljekarskog pregleda policijskih službenika Uprave policije Ministarstva unutrašnjih poslova Kantona Sarajevo;
- c) da će ugovorene usluge izvršiti u skladu sa tehničkom specifikacijom Poziva za dostavljanje ponuda broj 02-11-4-497-2/26 od 20.01.2026. godine, svojom Ponudom od 05.05.2026. godine i odredbama Pravilnika o kriterijima i načinu utvrđivanja zdravstvene sposobnosti policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", broj 14/23);

Član 7.

Plaćanje će se vršiti u roku od 30 (trideset) dana od dana i dostavljanja uredne, ispravne i originalne mjesečne fakture, na tekući račun Dobavljača.

Član 8.

Ugovorne strane prihvataju da svi podaci, informacije i dokumentacija do koje imaju pristup, za vrijeme trajanja ovog ugovora, kao i nakon prestanka njegovog važenja, u skladu sa zakonom, predstavljaju poslovnu tajnu, te se obavezuju da sa povjerljivim informacijama koje se odnose na ovaj ugovor ili poslovanje ugovornih strana,

odgovorno postupaju i da iste dalje neće dijeliti trećim stranama ili neovlaštenim osobama, bez prethodne pismene saglasnosti druge ugovorne strane.

Član 9.

Dobavljač je dužan naknaditi štetu koja nastupi iz djelovanja ili propuštanja Dobavljača u izvršavanju ovog Ugovora.

Ugovorni organ zadržava pravo raskida ugovora ukoliko izvršena usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 10.

Na sve obaveze Ugovornih strana obaveze koje se odnose na izvršenje usluga koje su predmet ovog Ugovora, primjenjuju se odredbe Pravilnika o kriterijima i načinu utvrđivanja zdravstvene sposobnosti policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", broj 14/23).

Član 11.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 12.

Eventualno nastale sporove pri realizaciji ovog ugovora, Ugovorne strane će rješavati sporazumno, u duhu dobrih poslovnih odnosa i međusobnog povjerenja.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 13.

Ovaj ugovor je zaključen, kada isti potpišu obje ugovorne strane i traje do realizacije ugovorenih obaveza, odnosno do izmirenja dužničko-povjerilačkih odnosa.

Član 14.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
J.U. Zavod za zdravstvenu
zaštitu zaposlenika
MUP-a KANTONA SARAJEVO

direktor

Broj : 33-1-405/26
Datum : 07.05.2026 g.

UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Fatmir Hajdarević

Broj : 02-11-4-497-3/26
Datum : 06.05.2026. godine